

雲南府志

中國地方志集成

光緒通志
道光六年編志(一)



中國地方志集成

雲南府縣志輯 ⑥3

光緒姚州志

道光姚縣志(一)

鳳凰出版社 ● 上海書店 ● 巴蜀書社

姚州志序

從來文德之與武功其迹若不相侔也而其道實交相濟古人投戈講藝劉昆伏湛之輩且正於擾攘兵革之會習禮明詩必謂大難甫平移風易俗之化非可期於旦夕將制度文爲幾成虛器而勸懲均無當於人心又何由彰載籍之靈乎若郡國之志其一端也曩者宇內常多事矣咸同之間滇事孔棘子適以一官需次高目時艱不得已投袂而起率雄邊子弟

家爲部署相與從事戎馬有年賴

國家威靈士伍用命羣不逞以次殄滅每維治亂之源未始不私衷耿耿謂化齊之不可無具也顧以頑禮還山而罷庚辰歲服闋入

覲觀政黔疆未幾由閩撫擢任兼圻舊地重遊私心竊喜故驅車所至他務未遑首以續修通志爲請

朝命既復卽設總局於昆垣延滇人士之秀拔者萃處其中講明條例下其法於諸州廣爲搜輯用備通志之

採擇而姚州志以成夫姚州隸楚雄郡迤西一彈丸耳其文物聲明非若名都大邑之比卓然有所稱述又予自西人敗盟督師關外蠻烟瘴雨之次方愧草檄未遑不獲與昆垣諸君子刪訂纂修潤色鴻業於一州志乎何取然而窺豹一斑具覘全體襲鳳片羽亦曰大文姚雖僻陋在夷乎而由衛而府由府而州考其疆域則先列郡而開建也驗其文軌猶是

聖代之聲靈也山川鍾孕之秀與禮樂陶淑之靈實有僎

之名都大邑而無愧者是雖一隅之紀而通志之規模已隱隱然如寓諸目異日者靈臺偃伯凱唱歸來徵文考獻之功全書具在卽以是當犒師之乘車也亦固其所志凡十二卷屬之草者爲州明經甘君雨明經故績學士有子四人秀穎而文均得與於校刊之列是書也成豈惟慰予先覩之快哉行見六幕同風頌我

國家萬年有道之長也詎不懿歟是爲序

光緒乙酉孟春月

授光祿大夫太子少保頭品頂戴兵部尚書兼都察院右都御史總督雲貴等處地方軍務兼理糧餉一等輕車都尉西林岑毓英序



姚州志序

姚州屬古哀牢國漢興置弄棟縣屬益州蜀漢屬雲南東晉及宋齊均屬興甯唐迄元明爲州爲路爲府名稱不一沿革異制總之不離西雄鎮者近是我朝統一區宇疆域之廣振古未聞康熙二十六年裁姚安所併州乾隆中葉復罷府以州隸楚雄郡規模制度超軼前朝猗與盛矣間嘗曠覽形勢東連武定西瞰大理南襟威楚北界永昌於山則有筆架臺華鐵嶺之雄於水則有金沙蛉河連場之勝峙其間者爲坊屯爲城郭環而集者爲獮獫爲羅葵風俗之盛衰道里之遠近名宦縉紳之所建立文人學士之所流連其可垂諸簡篇者紛且頤焉粵自蠡回屬亂軍事繁興河潰其防地東其畝城塹淪於榛莽村落窮爲蒿萊碧化膏原恆多殺魄環歸月夜不少貞魂非有博聞強識之儔爲之捭拾表微追蹤往蹟不幾湮沒而無考歟明經甘生雨爲姚世家以舊志失修慨然

序

四

任其事稟既成問序於余余取而觀之見其條分縷
晰繩貫絲聯釐舛以正譌刪繁以就簡疏者增而漏
者補疑者闕而信者存次第秩然敘議有法竊喜其
志乎古而集其成足爲後之覽者有所考證焉顧維
信古所以傳今而地靈實由人傑也姚自前明建學
洎我

朝涵育蒸陶文物聲明埒於中土洊經寇亂絃誦闕如
城闕子衿靡焉忘返余歲科校士而外規復月課檄

序

五

廣文晉之本科是邦獲雋者二皆其選也而甘生季
賢又適足以繼其家風誠由是振作而裁成之將見
聯翩而起爲里乘光未始非鄉先生責也其有功於
文教豈徒增輯州志云乎哉是爲序

光緒八年歲在壬午季秋月

賜進士出身翰林院編修滇南督學使者盧鑒序於昆

明試院

姚州志序

前年余守潯郡路南肄業生控南陽書院田租者閱
六年不決田租爲李季氏所捐余詳繙舊府志得之
於節義門一鞠而服卽折獄一端志乘之不可缺如
此況乎政治典章之大風土人物之繁簡前之人蒐諸
簡編後之人資其考鏡其有賴於志乘者顧可忽乎
哉滇當兵燹後舊典殘缺志乘率散佚不可得余來
守楚下車伊始卽訪求之得府志一函蓋康熙間所

序

六

修者當時姚州爲姚安府未隸楚屬州之事蓋闕如
焉今年春巡行至州境由太平堡迤邐北行見其平
原廣衍溝渠縱橫山川之明秀風物之清美爲之低
徊者久之入州課士其文章英雋者殆不乏人索觀
州志則經亂無有存者暇日甘潤之明經來謁出其
新撰州志就正於余且請爲之序蓋明經因舊志而
增輯之凡寇亂以來兵事之始末忠義之大節以及
政治所關文獻所係莫不旁搜博採擇精語詳人達

目明經之書爲一家言而豈知其學識之明採訪之勤且若非殫數十年之心力集千百人之見聞而能若是乎余抑重有感焉府省之分也州縣又府之分也使漢之州縣皆有如明經其人者則州縣之志修會而爲府則府志修府會而爲省即漢之有志亦無不修使亂後全滇之事後人燭照數計皆可據藉而稽其裨益誠非淺鮮迄今不修而遺籍湮沒者或獨謝將有愈遠而愈不可考者此固守土者之懼獨非序

郡人士之責乎余序以還明經且重爲楚之士大夫有志修明者望也

光緒癸未秋

賜進士出身前吏部文選司主事署楚雄府事貴陽陳燦序於郡署之知足知不足齋



姚州志序

漢於漢始見載籍班史地理志益州越嶲牂柯三郡下詳列諸縣數千年來分割裁并互有消易迄未能實證某地爲古某縣獨青蛉以水得名即今姚州久無異說姚名州肇自唐初維時建都督府奄有今大理蒙化境明置姚安府合大姚縣稱三姚

國朝乾隆中裁府而姚遂著雄緊其封域廣袤悉仍明舊山川之清美人物之秀傑蓋彪炳西南微矣州志

序

八

於康熙年州牧管櫛簡而舉要道光十三年學正王壇重修紀載加詳焉嗣後未有廣續成編者時經喪亂網羅搜採固非易易宗鄭以光緒元年試吏來滇即捧檄權刺斯土諮考文獻每憾闕如甘潤之明經方主書院講席公事至室輒以修志爲言謂及今不率則徵信愈難維桑與梓必恭敬止宜都人士之追欲有事也余語明經圖經乃官書往往成於墨手識解歧出體例尤尤難不畫一君既有志於此志先

萃發類成一家言苟能詳密精審是非不徇流俗比而充之卽以私集爲官書當較勝掇拾蓋職明經植品勗學善屬文教授家塾子弟門人咸彬彬雅純謹守師法里黨推重之聞余言頗以爲然惜余莅事未朞月奉調分校匆促去不獲共編訂之役越六年余丞安平乞病將歸明經郵巨帙徵序啓視則重輯州志也爲之驚喜桑日而尤服膺其屏迹鄉廬窮年草說不自諉退蔚成十二卷縱不能追武功朝邑之作

序

大

而制謹嚴采摭完備使姚之典章賴以傳久不墜足與陸清獻公靈壽志方駕用力之勤功綦偉哉明經諸子皆舉孝廉與計偕異日者貢名通籍本家學爲官守編摩天祿珥筆纂修

皇輿一統圖志諸書則是志也其猶導山之岍岐導河之積石也夫

光緒八年歲在壬午冬十月

賜進士出身特授安平同知前任昆明縣知縣署姚州

事言涌陸宗鄭撰



姚州志序

夫人不出戶庭而數千里以外之山川風景人物情
形若親目焉以其詳諸史志載在輿圖也夫人之生
晚近而數千年上之忠臣孝子義士仁人若親炙焉
以其事蹟可考著述猶存也姚州僻處邊隅彈丸小
邑溯自漢唐以來官斯邑者果能節用愛人芳名不
朽生斯土者其或學優品正雅範常昭向使前之人
不能垂諸冊簡今之人從何識其梗概乎且夫後之

十二

視今亦猶今之視昔當此大亂初平數十年干戈戎
馬三時有叛家舒難者有捐軀報國者有義憤激發
而罵賊身亡者有計窮勢迫而舉家殉難者凜凜精
靈固足以光昭日月向使無人爲之紀其事傳其人
將百世之後誰復知有此忠義而聞風興起哉況幾
經烽火之餘庵堂寺觀不免摧殘風土人情亦多變
易今之人不能援古以証今後之人安得由今以情
古噫志書之有關於世道人心也豈淺鮮哉矣去夏

初爲霖奉檄調牧斯土下車伊始凡山川之形勢氣
候之寒暄以及學術文爲民情風俗茫然不解即欲
因革損益何從而知先後緩急哉適有書院山長明
經甘潤之者家傳儒業世守書香重修州志採集成
書彙爲十二卷分列一十一門舉以示予逐一披覽
覺數百里之水源山幹數千年之名士偉人與夫物
土之相宜寒燠之應候瞭如指掌推之數百年後閱
斯志者亦無異於生斯世也潤之之有益於世道人
序

十二

心豈淺鮮哉爲霖有得於心謹爲是序

光緒九年秋八月

欽加同知銜大計卓異特授鎮南州知州調署姚州事
綏陽生員易爲霖撰

宛州志序

貴與馬氏曰志者憲章之所繫非老於典故者不能爲也然有不能爲而不獲已而爲之者雨今日所修宛州志是也自咸豐己未之亂雨避跡山林偶於輶輳中得舊志數卷取而讀之往事雖有可徵而道光十三年以後近事闕如且篇簡亦頗殘缺夫欲求其一事一物原委窮悉使心目中了然無礙者不可復得感時撫事掩卷長嗟因於課徒之暇取近事所能序

十三

王師西上州城克復泊辛未壬申之間全瀟肅清雨以

甲戌孟夏回里間一歲雲間陸公希倫來宰是邦

慨然有修志之舉以採訪之役囑雨謝不敏公曰

考文徵獻都人士義不容辭況予五日京兆難藏厥

事未期年公果解任旋省以是役專責於雨雨出篋

中舊帙接舊志踵事增入未嘗自立門類意在續貂

而已乃於補輯之餘取舊志反覆檢閱證之以正史

覈之以省志參之以野史稗官之論著騷人遷客之

謳吟於舊志不無憾焉顧惜不自量於其冗者汰之

略者詳之疑者闕之解其膠轕刊其舛譌刪其重複

而補其遺漏條例既殊門類自別誠知狂妄不免獲

罪前賢然亦行乎心之所安耳遠近交遊輩聞雨躬

爲是役舉所聞見來相告語故窮鄉僻壤之間湮沒

序

十四

未彰之蹟與夫父老常談鄉曲異聞世族家乘名人

著作荒邱斷碣古寺殘碑皆得依類摭摭選擇而登

之以成是書書成爲卷一十有二爲門十有一爲目

七十計操觚於丙子孟夏脫稿於壬午初秋秋杪兒

輩計偕北上俾攜赴省垣求正於學憲盧公蒙加

鄂削芟其荒穢而賜以弁言適陸公以安平同知

致仕將歸兒輩於逆旅謁見兼呈是書公喜謂兒輩

曰吾不意是書之卒成也不意是書之成而吾卒得

而觀之也亦書數行於簡端以志其梗概歲癸未

太守陳公春巡至姚復以是書求正甫經筆削值

節帥岑公開局續修滇志徵舊志於各州縣因以是

書呈覽公過為獎許趣付剞劂適 沔陽張公來

致茲土為籌費而付諸梓人是書遂以告或幸乎

豈能為是役哉彼 陸公者督之於始 岑 憲

大憲復誘掖鼓勵於其後 雨 是以不獲已而為是役

也其於憲章之所繫本無宏麗之觀則以地處蠻荒

序

一五

真氣所限微獻老文有非通都大邑之可比者尚冀

知我者之匡其不逮也必如馬氏所謂非老於典故

者不能為則 雨 將謝不敏矣

光緒十一年歲在旂蒙作噩天中節甘雨謹序



鑒定

李少保總領銜雲南巡撫都察院總辦雲南學政翰林院編修盧公 印 毓英

欽命雲南全省提督學政翰林院編修盧公 印 崧

賜進士出身前吏部文選司主事署楚雄府知府陳公 印 燦

正定

賜同進士安平同知前署姚州知州陸公 印 宗鄭

欽加同知銜前署姚州知州李公 印 光舒

欽加同知銜特授鎮南州知州前署姚州知州易公 印 為霖

乙卯科舉人特授雲龍州知州委署姚州知州張公 印 禮堂

雲南志 卷之四

十六

戴花翎特授姚州知州曾公 印 樞

纂修

歲

貢

生甘雨

參閱

歲

貢

生陳廷杰

歲

貢

生夏成明

歲

貢

生劉永瑞

歲

貢

生韓珊

歲

貢

生甘藩

舉	廩	廩	廩	廩	廩	廩	廩	廩	廩	恩	恩	恩	恩	歲
廩稿										貢	貢	貢	貢	貢
人胡壽榮	生張鳳瑞	生李文煒	生陳龍章	生周愛蓮	生關體仁	生邱毓秀	生任揆道	生黃銑	生羅雲達	生楊元熙	生劉誠	生趙東旭	生顏發榮	生胡廷珍
														生丁兆奎
														生周嘉謨

廩

廩

十七

廩

廩

十八

舉	舉	白	大	童	附	附	附	附	附	附	附	附	附	附
校字	鹽	姚	縣	學	附	附	附	附	附	附	附	附	附	附
人甘孟賢	生布經綸	生李培林	生劉楊茂	生孫嘉榮	生劉明善	生王守先	生曹文琳	生董長春	生楊懋德	生何國賓	生夏重慶	生李昌泰	生胡明齊	生馬廷彥
人甘仲賢														生劉式穀

廩

廩

十八

舉	舉	督梓	歲	增	增	增	增	廩	廩	志
人甘叔賢	人甘季賢	貢	生徐聯第	生邱福謙	生許椿年	生陳鏊	生曹人欽	生王自淑	生王自淑	志

採用書目	史記	後漢書	隋書	元史	明一統志	皇朝文獻通考	樂史太平寰宇記	陸應陽廣輿記	檀萃農部瑣錄	倪輓滇繫	袁滋雲南記	雲南賦役全書	馮魁滇考	徐霞客遊記	高爾映問愚錄	白鹽井志	姚州舊志
	漢書	漢晉春秋	唐書	明史	大清一統志	會典事例	樊綽蠻書	楊慎南詔野史	檀萃滇海虞衡志	倪輓滇雲歷年傳	雲南事略	劉健庭聞錄	毛奇齡蠻司合誌	高爾映雞足山志	雲南通志	管綸姚州志	姚安府志

例言

一是書以十一總目括其全先後之序本之通志間亦參以鄙見而變通之夫治道必因天時域民必資地利故以天文爲之首而地理次之天地古今不變政治因時制宜故建置次之因革損益宜於政而便於民然後民財裕而民力紓故食貨次之民事既勤祀典宜修故祠祀次之俎豆干戈事相倚伏故武備次之畿定禍亂必資治人故秩官次之吏治修學校建而後人才出故選舉次之科名奮起人知禮義而後化行俗美故人物次之有德行不廢辭章故藝文次之其事類雜出者統之以雜志終焉

姚州志

首卷 例言

二十二

一是書計七十子目以十一總目統之分爲十一卷建置食貨秩官選舉人物雜志皆以一類爲一卷天文地理祠祀武備則以二類爲一卷藝文則以一類分三卷事以類從多寡不一故卷帙無一定之例

一是書半多徵引舊籍不敢妄逞臆見蓋志以記事必援古證今確有考據乃堪傳信於後也顧念質鈍學荒讀書甚少兼之兵燹之後簡斷篇殘蒐求匪易今

雖纂輯成書實不免孤陋貽譏尤冀博雅君子曲爲

原諒

一著書最忌剽竊是編引用諸書必標書名及作者姓名不敢掠人之美以爲己有也如曰集古人之成則吾豈敢

一採用舊志如康熙間舊志出自營州尊一手則編管繪姚州志知道光間舊志係王宜亭王桐門兩先生同修非一家之言則稱州舊志而不標作者之名

姚州志

首卷 例言

二十二

一往事必徵諸古而近事則訪之今是篇於引用古書外有採之官府文案者則以案冊二字別之有關於父老傳說者則以採訪二字別之有出自鄙見者則以一按字別之考古證今時殊事異閱者於此可以觀世變焉

一是書體例與舊志迥殊絕不蹈襲故轍然變其例不敢遺其事惟 詒封一冊稽之近日通志局採訪程式無此條例故不錄

一舊志於督撫守牧皆稱某公而不名歷年既久竟不知所稱爲誰非所以傳信也是篇品藻官業記載功

續直書其名情知僭妄無所逃罪然於著書傳信之義或亦無大謬云

一每類卷首冠以序略以下則逐條分敘篇末則附以論贊管見所及聊爲據寫然狂瞽之說究無當於事理知不免爲方家所竊笑也

一職官表本以紀籍貫任期不宜雜以事蹟然舊志所載稍有事蹟者既不堪採入名宦諸篇又不可遽從刪削仍附之表內意在揚人之美不復以蕪雜爲嫌

一秩官志名宦諸篇人物志鄉賢諸篇皆其人已沒而政蹟勤勞繫人誼思德行道藝爲人稱述者乃敢採錄若現在諸公雖不乏可採之人但恐涉附和標榜之嫌擬置焉夫潛德幽光固必待身後之闡發至於職官表以紀選除選舉志以載科名則不拘此例

桃州志

首卷 例言

二二三

一舊志所載人物以一人立兩傳或三傳殊乖體例茲採其前後軼事合編一傳其互見別門者則云詳某門而不復載其事蹟

一藝文有關掌故者皆依類採入以資考鏡不復計其工拙

一藝文有關掌故者皆依類採入以資考鏡不復計其工拙

一書編輯採訪頗費苦心鄙人頻年致讀脩脯無多節家人衣食以爲膏油紙筆之費舊人七年騰稿六次而後告成雖未必斟酌盡善然於州中典章文物亦略備矣

桃州志

首卷 例言

二二四

目錄

第一卷

天文志

地理志

第二卷

建置志

第三卷

食貨志

第四卷

姚州志

祠祀志

武備志

第五卷

秩官志

第六卷

選舉志

雜志

第七卷

人物志

鄉賢
卓行
忠義
孝友
官蹟
義行

第八卷

藝文志上

第九卷

藝文志中

第十卷

藝文志下

第十一卷

志餘瑣錄

姚州志

祠祀志

二十六




星野第一圖

姚州志

首卷 星野第一圖

二十七



井宿計星三十座
鬼宿計星七座



姚州志

首卷 星野第一圖

二十八

列爲第一


此圖載在舊志係趙夢梅先生所繪謹誌之

星野第二圖

姚州志

首卷 星野第二圖


二十九



姚州志

首卷 天文第二圖

三十



此參井鬼柳相連南圖載在雞足山志係高雪君先生所繪姚屬井鬼其說維舊雪君問愚錄及雞足山志則謂漢中近蜀之地如姚安永北大理俱為柳分其考據之言甚多因限於尺幅不能具錄謹摹倣此圖列為第二以俟折衷